

## سحلي بن سقيان

الشيخ سحلي رئيس السقاين من ذوي عون من بني عبدالله (مطير) فارس وشاعر  
نورد له هاتان القصيدتان في اخيه سحيل الأولى يتمنى له اعادة الشباب والثانية  
يرثيه عندما قتل في وقعة بين الدويش والعمارات من عنزة.

أخوي وداه الدويش العمارات  
يوم المناخ اقفوا ولاعودوا به

أخوي ليتته حي يذكرو ولا مات  
ليت الطروش اللي لفوا بشروا به

أخوي من كسبه عشاير وخلفات  
يقضي بها يوم المصاريف نوبه

أخوي نجره يسهر الليل ما بات  
قدام ربع سيروا وخضبوا به

وأخوي يقداله جموع صليبات  
تشبع سراحين الخلاف في دروبه

فكاك ربعه في نهار الملاقاة  
وجلوبه اللي ماحصل له جلوبة

إلى ذكرته هلت العين عبرات  
وفقده على قلبي غدا لي عقوبة

وأيضاً له عندما بان في أخيه الشيب ويتمنى أن له أولادا مثله بالفعل وكان  
أخوه ساع له سائراً في خدمته:

يأليت اخوي سحيل ماقد غدا عود  
والا العمر يشرى وإبا سوق مالي

أخوي لاركب الفرس يقحم العود  
والى خذ البندق يفك التوالي

أبه يعقب لي عيال بهم فود  
فيهم على جمع المعادي مدالي

من منسب العضيان هم منقع الجود  
والا دماسين خوال العيالي<sup>(١)</sup>

---

(١) العيالي: هم أخواله.